

## Paerewa Paetae

<b>Aronga</b>	Te Reo Rangatira 1.3		
<b>Ingoa</b>	Te whakamahi i tētahi rautaki reo		
<b>Kaupae</b>	1	<b>Whiwhinga</b>	4
		<b>Aromatawai</b>	Ā-waho
<b>Marau akoranga</b>	Te Marautanga o Aotearoa		
<b>Kokonga akoranga</b>	Te Reo Rangatira		
<b>Mana rēhita</b>	<b>Te rā i mana ai</b>		
<b>Te rā e arotakengia ai</b>	<b>Te rā i puta ai</b>		

### Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Tāhuhu o te Mātauranga i te tau 2017.

### Whāinga Paetae

#### Āheinga Reo

6.2 *Ka whakapuaki whakaaro mō ngā kaupapa, mō ngā ariā matua hoki o aua kaupapa, kia pai ai te whakatakoto tohetohenga, taunakitanga rānei hei whakaū i te whakaaro.*

#### Puna Reo

6.3 *Ka whānui tonu ngā kupu me ngā momo rerenga e tika ana mō ētahi momo kōrero, pēnei i te matapakī, i te tuku pūrongo, i te taupatupatu, arā atu, arā atu.*

#### Rautaki Reo

6.4 *Ka arohaehae i ngā rautaki pānui e hāngai ana ki ngā take whānui.*

6.6 *Ka tika te whakarāpopoto i ngā ariā matua o te kōrero ā-waha, ā-tuhi, ā-tā rānei.*

E hono ana ki te Papa Whakaako mō [Wāhanga Ako] kei te pae tukutuku nei:

<http://tmoa.tki.org.nz/Te-Marautanga-o-Aotearoa-Taumata-Matauranga-a-Motu-Ka-Taea>

### Te Hononga ki ngā Paearu Aromatawai

Arā ngā Paearu Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa-Taumata-Matauranga-a-Motu-Ka-Taea>

## Paerewa Paetae

<b>Paetae</b> Te whakamahi i tētahi rautaki reo.	Hei tohu i te paetae: <ul style="list-style-type: none"> <li>• Ka tautohu i ngā whakaaro matua.</li> <li>• Ka whakaatu i tana mārama ki te kaupapa.</li> </ul>
<b>Kaiaka</b> He kaiaka te whakamahi i tētahi rautaki reo.	Hei tohu i te kaiaka: <ul style="list-style-type: none"> <li>• Ka whakapuaki anō i ngā whakaaro matua ki āna ake kupu.</li> <li>• Ka mau tonu te tikanga o te kōrero.</li> </ul>
<b>Kairangi</b> He kairangi te whakamahi i tētahi rautaki reo.	Hei tohu i te kairangi: <ul style="list-style-type: none"> <li>• Ka whai taunakitanga ngā whakaaro matua.</li> <li>• Ka rongo i te reo ake o te ākongā.</li> </ul>

## Kōrero Āpiti

- 1 E whai ake nei ngā whakamārama mō ngā kupu me ngā kīanga whaitake matua o te paerewa nei:

mau tonu te tikanga	<ul style="list-style-type: none"> <li>• E hāngai tonu ana ki te ngako o te kōrero.</li> <li>• Kāore e kōtiti ngā whakaaro.</li> <li>• Kei te hāngai tonu ki tā te kaituhi i whakapuaki ai.</li> </ul>
rautaki reo	Ko te huarahi ka whāia: <ul style="list-style-type: none"> <li>• kia tutuki ai te pūtakenga whakawhiti kōrero</li> <li>• kia mārama ai te kōrero</li> <li>• kia kore ai e whati te whakawhitinga kōrero.</li> </ul>
reo ake o te ākongā	Ko ngā kupu me te whakapuakitanga o ngā whakaaro, nā te ākongā tonu. Kua whakarerekēhia ngā kupu me ngā momo whakapuakanga kia rangona ai te reo ake o te taiohi, o te ākongā tonu.
whakaaro matua	Ko te tino kaupapa o tētahi kōwae. Arā anō pea ngā kōrero tautoko e kitea ana i taua kōwae.

- 2 Ka hāngai ngā kaupapa me ngā rautaki ki te Taumata 6 o te marautanga.

- 3 Ko ngā rautaki reo i tēnei paerewa, ko:
- te whakarāpopoto i te kōrero
  - te whakahāngai i te reo
  - te whakapuaki anō i tētahi kōrero
  - te whakarerekē i te reo, i te momo reo rānei.

**Kuputaka**

rautaki reo	language strategy
taunakitanga	evidence
whakaaro matua	main idea
whakapuaki anō	rephrase

---

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233